

十三經註

0512
479
657



門 12
號
卷

東方學

21
67

春秋穀梁傳

晉 范甯 集 解
明 閔齊伋 裁 注

襄公

元年春王正月公即位傳繼正即位正也
仲孫蔑會晉欒黶宋華元衛甯殖曹人莒人
邾人滕人薛人圍宋彭城傳繫彭城於宋者
不與魚石正也

春秋穀梁傳 襄公

一 卷古書

所錢文
有拘那

春秋傳

夏晉韓厥帥師伐鄭厥公作屈

仲孫蔑會齊崔杼曹人邾人杞人次于鄆鄆公

合作

秋楚公子壬夫帥師侵宋

九月辛酉天王崩

邾子來朝

冬衛侯使公孫剽來聘

晉侯使荀瑩來聘

二年春王正月葬簡王

鄭師伐宋

夏五月庚寅夫人姜氏薨

六月庚辰鄭伯輪卒

晉師宋師衛甯殖侵鄭傳其曰衛甯殖如是而稱于前事也

初衛侯速卒鄭人侵之故舉甯殖之報明稱于前事也不書晉宋之將以慢其伐人

季火穀梁襄公

二晉古婁

之喪

秋七月仲孫蔑會晉荀偃宋華元衛孫林父
曹人邾人于戚

已丑葬我小君齊姜

叔孫豹如宋

冬仲孫蔑會晉荀偃齊崔杼宋華元衛孫林
父曹人邾人滕人薛人小邾人于戚遂城虎
牢傳若言中國焉內鄭也

不繫虎牢于鄭者如中國之邑也中國猶

國中所以如國中之邑者鄭服罪故內之

楚殺其大夫公子申

三年春楚公子嬰齊帥師伐吳

公如晉

夏四月壬戌公及晉侯盟于長檮公至自晉

六月公會單子晉侯宋公衛侯鄭伯莒子邾

子齊世子光已未同盟于雞澤傳同者有同

齊火穀梁襄公

三

晉王姜

也同外楚也

陳侯使袁僑如會傳如會外乎會也於會受命也

解見僖二十八年

戊寅叔孫豹及諸侯之大夫及袁僑盟傳及以及與之也諸侯以為可與則與之不可與則釋之諸侯盟又大夫相與私盟是大夫張也故雞澤之會諸侯始失正矣大夫執國權

曰袁僑異之也

通言叔孫豹及諸侯之大夫則無以表袁僑之得禮故再言及明獨與袁僑不與諸侯之大夫異之異袁僑之得禮也

秋公至自晉

冬晉荀瑩帥師伐許

四年春王三月己酉陳侯午卒

夏叔孫豹如晉

公之殺梁襄公

四

卷之四

春秋傳

稽古樓

秋七月戊子夫人妣氏薨

妣公作弋

葬陳成公

八月辛亥葬我小君定姒

冬公如晉

陳人圍頓

五年春公至自晉

夏鄭伯使公子發來聘

叔孫豹繪世子巫如晉傳外不言如而言如

為我事往也

外相如不書為魯事往故同內

仲孫蔑衛孫林父會吳于善稻傳吳謂善伊

謂稻緩號從中國名從主人

稻左作道

善稻吳謂之伊緩地名及物類當從中國

言之故不言伊緩而言善稻人名當從本

俗言也

秋大雩

春火穀梁襄公

五 魯左傳

春秋傳
楚殺其大夫公子壬夫

公會晉侯宋公陳侯衛侯鄭伯曹伯莒子邾子滕子薛伯齊世子光吳人繒人于戚公至自會

冬戍陳傳內辭也

不言諸侯魯戍之疏曰諸侯同戍也以救陳具列諸侯故於此獨言魯戍

楚公子貞帥師伐陳公會晉侯宋公衛侯鄭

伯曹伯莒子邾子滕子薛伯齊世子光救陳十有二月公至自救陳傳善救陳也

辛未季孫行父卒

六年春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅繪傳非滅也中國日卑國月夷狄時

春秋穀梁

襄公

六

晉五

繪中國也而時非滅也家有既亡國有既滅滅而不自知由別之不別也莒人滅繪非滅也立異姓以蒞祭祀滅亡之道也

繪前夫人莒女生世子巫巫之母與魯襄公之母姊妹也繪更娶後夫人于莒而無子有女還嫁于莒為夫人生公子但繪子愛後之夫人故立其外孫莒之公子非其族類神不歆其祀故言滅非滅非以兵滅

也既盡也家立異姓為後則亡國立異姓為嗣則滅

冬叔孫豹如邾

季孫宿如晉

十有二月齊侯滅萊

七年春邾子來朝

夏四月三卜郊不從乃免牲傳夏四月不時也三卜禮也乃者亡乎人之辭也

春秋傳

小邾子來朝

和古

城費

秋季孫宿如衛

八月螽

冬十月衛侯使孫林父來聘壬戌及孫林父

盟

楚公子貞帥師圍陳

十有二月公會晉侯宋公陳侯衛侯魯僖公

子邾子于鄆鄭伯髡原如會未見諸侯丙戌

卒于操傳未見諸侯其曰如會何也致其志

也禮諸侯不生名此其生名何也卒之名也

卒之名則何為加之如會之上見以如會卒

也其見以如會卒何也鄭伯將會中國其臣

欲從楚不勝其臣弑而死其不言弑何也不

使夷狄之民加乎中國之君也其地於外也

其日未踰竟也日卒時葬正也鄭于委反一作偽或作隲

春秋穀梁

襄公

八

晉古婁

春秋傳

原左作順
操左作鄆

臣欲從楚是夷狄之民矣不使夷狄臣弑中國君故去弑言卒使若正卒葬

陳侯逃歸傳以其去諸侯故逃之也

八年春王正月公如晉

夏葬鄭僖公

鄭人侵蔡獲蔡公子濕傳人微者也侵淺事

也而獲公子公子病矣濕左公
作變

季孫宿會晉侯鄭伯齊人宋人衛人邾人于
邾邱傳見魯之失正也公在而大夫會也

公在在晉也

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

晉侯穀梁襄公

九

晉古雙

和古棟

春秋傳

卷之十

九年春宋災傳外災不志此其志何也故宋

也災公作火

故猶先也孔子之先宋人

夏季孫宿如晉

五月辛酉夫人姜氏薨

秋八月癸未葬我小君穆姜

冬公會晉侯宋公衛侯曹伯莒子邾子滕子

薛伯小邾子齊世子光伐鄭十有二月己亥

同盟于戲傳不異言鄭善得鄭也不致恥不能據鄭也

同盟于戲鄭在可知矣戲盟還而楚伐鄭故恥不能終有鄭

楚子伐鄭

十年春公會晉侯宋公衛侯曹伯莒子邾子

滕子薛伯杞伯小邾子齊世子光會吳于祖

傳會又會外之也

穀梁襄公

十 晉古婁

夏五月甲午遂滅傅陽傳遂直遂也其曰遂

何以中國從夷狄也

傳左公作偏

時實吳會諸侯滅傅陽恥以中國之君從夷狄之主故加甲午使若改日諸侯自滅

傅陽耳

公至自會傳會夷狄不致惡事不致此其致何也存中國也中國有善事則并焉無善事則異之存之也汲鄭伯逃歸陳侯致祖之會

存中國也

一滅中國自諸侯之一旨爾從夷狄而滅人則中國不復存矣故書公至以存之有善則并如僖四年侵蔡蔡潰遂伐楚是并焉也異之謂此會與遂若異人也汲猶引也鄭伯髡原為臣所弑而不書弑此引而致於善事也

楚公子貞鄭公孫輒帥師伐宋

春秋穀梁傳襄公

十一 晉書

晉師伐秦

秋莒人伐我東鄙

公會晉侯宋公衛侯曹伯莒子邾子齊世子

光滕子薛伯杞伯小邾子伐鄭

冬盜殺鄭公子斐公子發公孫輒傳稱盜以

殺大夫弗以上下道惡上也斐左公作駢

以上下道當言鄭人殺其大夫惡上者惡

鄭伯不能修政刑致盜殺大夫也

成鄭虎牢傳其曰鄭虎牢決鄭乎虎牢也

繫之於鄭決絕而棄外之

楚公子貞帥師救鄭

公至自伐鄭

十有一年春王正月作三軍傳作為也古者

天子六師諸侯一軍作三軍非正也

大國三軍次國二軍小國一軍魯有二軍

今增置中軍爾

秦火殺梁襄公

夏四月四卜郊不從乃不郊傳夏四月不時也四卜非禮也

鄭公孫舍之帥師侵宋

公會晉侯宋公衛侯曹伯齊世子光莒子邾

子滕子薛伯杞伯小邾子伐鄭

秋七月己未同盟于京城北公至自伐鄭傳

不以盟致盟後復伐鄭也京左公作亳

盟後重更伐鄭故以伐致

楚子鄭伯伐宋

公會晉侯宋公衛侯曹伯齊世子光莒子邾

子滕子薛伯杞伯小邾子伐鄭會于蕭魚公

至自會傳伐而後會不以伐鄭致得鄭伯之

辭也

喜鄭與會故

楚人執鄭行人良霄傳行人者挈國之辭也

挈猶傳也行人傳國使會命故云挈國之

春秋穀梁襄公

十三 宣古書

辭

冬秦人伐晉

十有二年春王三月莒人伐我東鄙圍郕

伐國不言圍邑舉重也取邑不書圍安足書

也郕左公作台

舉重可以包輕也不足書而今書蓋為下

事起

季孫宿帥師救郕遂入鄆傳遂繼事也受命

而救郕不受命而入鄆惡季孫宿也

夏晉侯使士魴來聘

秋九月吳子乘卒

冬楚公子貞帥師侵宋

公如晉

十有三年春公至自晉

夏取郟公作詩

秋九月庚辰楚子審卒

春火穀梁襄公

冬城防

十有四年春王正月季孫宿叔老會晉士匄齊人宋人衛人鄭公孫蠆曹人莒人邾人滕人薛人杞人小邾人會吳于向

二月乙未朔日有食之

夏四月叔孫豹會晉荀偃齊人宋人衛北宮括鄭公孫蠆曹人莒人邾人滕人薛人杞人小邾人伐秦

己未衛侯出奔齊公羊侯下衍字

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公孫蠆莒人邾人于戚

十有五年春宋公使向戌來聘二月己亥及向戌盟于劉

劉夏逆王后于齊傳過我故志之也

夏齊侯伐我北鄙圍成公救成至遇

季孫宿叔孫豹帥師城成郭

秋八月丁巳日有食之

邾人伐我南鄙

冬十有一月癸亥晉侯周卒

十有六年春王正月葬晉悼公

三月公會晉侯宋公衛侯鄭伯曹伯莒子邾

子薛伯杞伯小邾子于溴梁戊寅大夫盟傳

溴梁之會諸侯失正矣諸侯會而曰大夫盟

正在大夫也諸侯在而不曰諸侯之大夫大

夫不臣也

晉人執莒子邾子以歸

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

春秋穀梁襄公

十六 晉古

春秋傳

秋齊侯伐我北鄙圍成左作鄭

和

大雩

冬叔孫豹如晉

十有七年春王二月庚午邾子矰卒矰左作矰

宋人伐陳

夏衛石買帥師伐曹

秋齊侯伐我北鄙圍桃齊高厚帥師伐我北

鄙圍防桃公作桃

九月大雩

宋華臣出奔陳

冬邾人伐我南鄙

十有八年春白狄來

夏晉人執衛行人石買傳稱行人怨接於上

也

怨其君而執其使稱行人明使人爾罪在

上也

春秋穀梁襄公

十七 卷一百一

秋齊侯伐我北鄙

冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊傳非圍而曰圍齊有大焉亦有病焉非大而足同焉諸侯同罪之也亦病矣

知非圍者據實伐也不以圍致故也齊有大焉亦有病焉謂經稱同圍之意齊雖有似大國焉亦有罪惡焉病所罪惡也謂數

伐魯又復國大故稱同圍之耳非大而足同覆上齊有人焉諸侯同罪之意也謂齊若非大國何須諸侯同罪之也亦病矣謂齊是大國諸侯共同罪之必為大國所讎是取禍之道故云亦罪惡矣言諸侯與齊同有罪惡也

曹伯負芻卒于師傳閔之也

楚公子午帥師伐鄭

水火穀梁襄公

十有九年春王正月諸侯盟于祝柯晉人執
 邾子公至自伐齊傳春秋之義已伐而盟復
 伐者則以伐致盟不復伐者則以會致祝柯
 之盟盟復伐齊與曰非也然則何為以伐致
 也曰與人同事或執其君或取其地柯公作阿
 盟復伐齊與者恠不以會致也同與邾圍
 齊而晉執其君魯取其地此與盟後復伐
 無異故以伐齊致也事實在邾不關於齊

而以伐齊致者託事以見意耳

取邾田自漵水傳軋辭也其不曰惡盟也

軋委曲隨漵水言取之多也惡盟謂執君

取地

季孫宿如晉

葬曹成公

夏衛孫林父帥師伐齊

秋七月辛卯齊侯環卒

環公作環

齊火穀泲

襄公

晉士匄帥師侵齊至穀聞齊侯卒乃還傳還者事未畢之辭也受命而誅生死無所加其怒不伐喪善之也善之則何為未畢也君不尸小事臣不專大名善則稱君過則稱己則民作讓矣士匄外專君命故非之也然則為士匄者宜奈何宜墀帷而歸命乎介還者致辭復者反命言乃還不言乃復是未畢之辭除地為墀於墀張帷反命于介

介歸告君君命乃還不敢專介副使

八月丙辰仲孫蔑卒

齊殺其大夫高厚

鄭殺其大夫公子嘉公羊作喜

冬葬齊靈公

城西郭

叔孫豹會晉士匄于柯

城武城

季火穀梁

襄公

二十

晉古婁

二十年春王正月辛亥仲孫速會莒人盟于向

夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵

秋公至自會

仲孫速帥師伐邾

蔡殺其大夫公子濕蔡公子履出奔楚

陳侯之弟光出奔楚傳諸侯之尊弟兄不得以屬通其弟云者親之也親而奔之惡也左

黃氏作

顯書弟明其親也親而奔逐之所以惡陳侯

叔老如齊

冬十月丙辰朔日有食之

季孫宿如宋

季孫宿如宋

春秋傳

卷之九

二十有一年春王正月公如晉

邾庶其以漆閭邱來奔傳以者不以者也來奔者不言出舉其接我者也漆閭邱不言及小大敵也

不以者人臣無專祿以邑叛之道

夏公至自晉

秋晉欒盈出奔楚

九月庚戌朔日有食之

冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾

子于商任

庚子孔子生

二十有二年春王正月公至自會

夏四月

秋七月辛酉叔老卒

春火穀梁襄公

三

信古樓

冬公會晉侯齊侯宋公衛侯鄭伯曹伯莒子邾子滕子薛伯杞伯小邾子于沙隨公至自

會左無滕子二字

楚殺其大夫公子追舒

二十有三年春王二月癸酉朔日有食之

三月己巳杞伯句卒

夏邾畀我來奔

葬杞孝公

陳殺其大夫慶虎及慶寅傳稱國以殺罪累上也及慶寅慶寅累也

陳侯之弟光自楚歸于陳

晉欒盈復入于晉入于曲沃

秋齊侯伐衛遂伐晉

八月叔孫豹帥師救晉次于雍榆傳言救後次非救也

惡其不遂君命而專止次故先通君命而

卒火穀梁襄公

晉亡虜

後言次

已卯仲孫速卒

冬十月乙亥臧孫紇出奔邾傳其日正臧孫紇之出也蘧伯玉曰不以道事其君者其出乎

正正其有罪也其出乎言必不見容

晉人殺欒盈傳惡之弗有也

不言殺其大夫是不有之以為大夫

齊侯襲莒

二十有四年春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

齊大穀梁襄公

公會晉侯宋公衛侯鄭伯曹伯莒子邾子滕子薛伯杞伯小邾子于夷儀
冬楚子蔡侯陳侯許男伐鄭
公至自會

陳鍼宜咎出奔楚

叔孫豹如京師

大饑傳五穀不升為大饑一穀不升謂之嗛二穀不升謂之饑三穀不升謂之饑四穀不

升謂之康五穀不升謂之大侵大侵之禮君食不兼味臺榭不塗弛侯廷道不除百官布而不制鬼神禱而不祀此大侵之禮也

升成也嗛不足貌康虛也侵傷也弛廢也侯射侯也廷道不除廷內道不修除也布而不制官職修列不可闕廢不更有造作也

二十有五年春齊崔杼帥師伐我北鄙

春火穀梁襄公

夏五月乙亥齊崔杼弑其君光傳莊公失言淫于崔氏

失言將淫崔氏爲此見弑

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

六月壬子鄭公孫舍之帥師入陳

秋八月己巳諸侯同盟于重邱公至自會衛侯入于夷儀

楚屈建帥師滅舒鳩

冬鄭公孫夏帥師伐陳

十有二月吳子謁伐楚門于巢卒傳以伐楚之事門于巢卒也于巢者外乎楚也門于巢乃伐楚也諸侯不生名取卒之名加之伐楚之上者見以伐楚卒也其見以伐楚卒何也古者大國過小邑小邑必飾城而請罪禮也吳子謁伐楚至巢入其門門人射吳子有矢

春秋穀梁襄公

卷一百一十五

春秋傳

稽古樓

創及舍而卒古者雖有文事必有武備非巢之不飾城而請罪非吳子之自輕也謂左作過

非責也

二十有六年春王二月辛卯衛甯喜弑其君

剽傳此不正其日何也殖也立之喜也君之正也

知剽不正者以元年稱公孫故也父立以爲君則子宜君之矣

衛孫林父入于戚以叛

甲午衛侯衎復歸于衛傳曰歸見知弑也衎

旦反

夏晉侯使荀吳來聘

公會晉人鄭良霄宋人曹人于澶淵

秋宋公殺其世子座左公作座

晉人執衛甯喜

八月壬午許男甯卒于楚

春秋穀梁襄公

三毛

魯自子慶

冬楚子蔡侯陳侯伐鄭

葬許靈公

二十有七年春齊侯使慶封來聘

夏叔孫豹會晉趙武楚屈建蔡公孫歸生衛

石惡陳孔奐鄭良霄許人曹人于宋與公作瑗

衛殺其大夫甯喜傳稱國以殺罪累上也甯

喜弑君其以累上之辭言之何也嘗為大夫

與之涉公事矣甯喜由君弑君而不以弑君

之罪罪之者惡獻公也

以喜弑君而殺則不宜既入以為大夫為

大夫而復殺之明以他故矣獻公即衍也

書喜弑其君則喜之罪不嫌不明今若不

言喜之無罪而死則獻之惡不彰也

衛侯之弟專出奔晉傳專喜之徒也專之為

喜之徒何也已雖急納其兄與人之臣謀弑

其君是亦弑君者也專其曰弟何也專有是

季火穀梁襄公

天書古婁

君不傳

和古本

信者君賂不入乎喜而殺喜是君不直乎喜也故出奔晉織絢邯鄲終身不言衛專之去

合乎春秋

專左公作傳

獻公不使專與喜為約納君許以寵賂今

反殺之獻公使專失信故稱弟見獻之惡

也絢者著履舄之頭

秋七月辛巳豹及諸侯之大夫盟于宋傳梁之會諸侯在而不曰諸侯之大夫大夫不

臣也晉趙武恥之豹云者恭也諸侯不在而曰諸侯之大夫大夫臣也其臣恭也晉趙武為之會也

豹云謂不舉姓氏趙武恥梁之會大夫

不臣合帥諸侯大夫為恭故歸功趙武

冬十有二月乙亥朔日有食之

二十有八年春無冰

夏衛石惡出奔晉

家火穀梁

襄公

三

晉古本

春秋傳

邾子來朝

秋八月大雩

仲孫羯如晉

冬齊慶封來奔

十有一月公如楚

十有二月甲寅天王崩

乙未楚子昭卒

二十有九年春王正月公在楚得閔公也

公為楚所制故存錄

夏五月公至自楚傳喜之也致君者殆其往而喜其反此致君之意義也

殆危也

庚申衛侯衎卒

閔弒吳子餘祭傳閔門者也不稱名姓閔不得齊於人不稱其君閔不得君其君也禮君不使無恥不近刑人不狎敵不邇怨

春秋穀梁襄公

三十 卷下

賤人非所貴也貴人非所刑也刑人非所近也舉至賤而加之吳子吳子近刑人也闞弑吳子餘祭仇之也

怨仇餘祭故弑之

仲孫羯會晉荀盈齊高止宋華定衛世叔儀鄭公孫段曹人莒人邾人滕人薛人小邾人城杞傳古者天子封諸侯其地足以容其民其民足以滿城以自守也杞危而不能自守

故諸侯之大夫相帥以城之此變之正也公儀

作齊左氏無齊人二字

諸侯恤災救危正也諸侯微弱政由大夫大夫能同恤災危故曰變之正

晉侯使士鞅來聘

杞子來盟

吳子使札來聘傳吳其稱子何也善使延陵季子故進之也身賢賢也使賢亦賢也延陵

承大穀梁

襄公

三

晉古婁

季子之賢尊君也其名成尊於上也

春秋賢者不名而札名者唯成吳之尊稱也直稱吳則不得有大夫矣成尊謂進吳稱子上君上也

秋七月葬衛獻公

齊高止出奔北燕傳其曰北燕從史文也

南燕姑姓在鄭衛之間北燕姬姓在晉之北時有直言燕者故仲尼從史文也

冬仲孫羯如晉

三十年春王正月楚子使遠罷來聘罷公作頗

夏四月蔡世子般弑其君固傳其不日子奪父政是謂夷之

夷狄君卒皆不日比之夷狄也

五月甲午宋災伯姬卒傳取卒之日加之災

上者見以災卒也其見以災卒奈何伯姬之舍失火左右曰夫人少辟火乎伯姬曰婦人

卒火穀梁襄公

之義傳母不在宵不下堂左右又曰夫人少
 辟火乎伯姬曰婦人之義保母不在宵不下
 堂遂逮乎火而死婦人以貞為行者也伯姬
 之婦道盡矣詳其事賢伯姬也左氏伯姬
上有宋字
 天王殺其弟佞夫傳傳曰諸侯且不首惡況
 於天子乎君無忍親之義天子諸侯所親者
 唯長子母弟耳天王殺其弟佞夫甚之也
 王子瑕奔晉

秋七月叔弓如宋葬共姬傳外夫人不書葬
 此其言葬何也吾女也卒災故隱而葬之也
 鄭良霄出奔許自許入于鄭鄭人殺良霄傳
 不言大夫惡之也

冬十月葬蔡景公傳不日卒而月葬不葬者
 也卒而葬之不忍使父失民於子也

夫葬者臣子之事也景公無子不可謂無
 民若不書葬則嫌亦失民故曰不忍使父

失民於子

晉人齊人宋人衛人鄭人曹人莒人邾人滕人薛人杞人小邾人會于澶淵宋災故傳會不言其所為其曰宋災故何也不言災故則無以見其善也其曰人何也救災以眾何救焉更宋之所喪財也澶淵之會中國不侵伐夷狄夷狄不入中國無侵伐八年善之也晉趙武楚屈建之力也

更償也

三十有一年春王正月

夏六月辛巳公薨于楚宮傳楚宮非正也

秋九月癸巳子野卒傳子卒日正也

己亥仲孫羯卒

冬十月滕子來會葬

癸酉葬我君襄公

十有一月莒人弑其君密州

春火穀梁

襄公

三

晉古婁

春秋穀梁傳襄公終

春秋穀梁傳

晉范甯集解

明閔齊伋裁注

昭公

元年春王正月公即位傳繼正即位正也

叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人

曹人于郭弱公作酌齊惡公作石惡罕

春火穀梁昭公

三月取鄆

夏秦伯之弟鍼出奔晉傳諸侯之尊弟兄不得以屬通其弟云者親之也親而奔之惡也六月丁巳邾子華卒

晉荀吳帥師敗狄于大原傳曰中國曰大原夷狄曰大鹵號從中國名從主人

解見襄五年

秋莒去疾自齊入于莒莒展出奔吳

左展下有與字

叔弓帥師疆鄆田傳疆之為言猶竟也

葬邾悼公

冬十有一月己酉楚子卷卒

楚公子比出奔晉

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復傳恥如晉故著有疾也

春秋穀梁昭公

二 晉古婁

公凡四如晉季氏訴公於晉侯使不見公故託至河有疾而反以殺恥二十三年曰至河有疾乃復是微有疾而反嫌與四如

晉同故明之

季孫宿如晉傳公如晉而不得入季孫宿如晉而得人惡季孫宿也

三年春王正月丁未滕子原卒原公作泉

夏叔弓如滕五月葬滕成公

秋小邾子來朝

八月大雩

冬大雨雹

北燕伯款出奔晉傳其曰北燕從史文也

四年春王正月大雨雪左氏作雹

夏楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申楚

人執徐子

秋七月楚子蔡侯陳侯許男頓子胡子沈子
 淮夷伐吳執齊慶封殺之傳此入而殺其不
 言入何也慶封封乎吳鍾離其不言伐鍾離
 何也不與吳封也慶封其以齊氏何也為齊
 討也靈王使人以慶封令於軍中曰有若齊
 慶封弑其君者乎慶封曰子一息我亦且一
 言曰有若楚公子圍弑其兄之子而代之為
 君者乎軍人粲然皆笑慶封弑其君而不以

弑君之罪罪之者慶封不為靈王服也不與
 楚討也春秋之義用貴治賤用賢治不肖不
 以亂治亂也孔子曰懷惡而討雖死不服其
 斯之謂與

云慶封封乎吳鍾離者言時殺慶封自于
 鍾離實不入吳也粲然盛笑貌傳例稱人
 以殺大夫為殺有罪今殺慶封經不稱人
 故曰不以弑君之罪罪之也

春秋傳

稽古樓

遂滅厲厲左傳遂繼事也作賴

九月取緡

冬十有二月乙卯叔孫豹卒

五年春王正月舍中軍傳貴復正也

魯次國舊二軍襄十一年立三軍今毀之

故曰復正

楚殺其大夫屈申

公如晉

夏莒牟夷以牟婁及防茲來奔傳以者不以者也來奔者不言出及防茲以大及小也莒無大夫其曰牟夷何也以其地來也以地來則何以書也重地也

竊地之罪重故不得不錄其人

秋七月公至自晉

戊辰叔弓帥師敗莒師于賁泉傳狄人謂賁

泉失台號從中國名從主人賁扶粉反左作粉公作瀆

季火穀梁昭公

五 晉石婁

春秋傳

和古

秦伯卒

冬楚子蔡侯陳侯許男頓子沈子徐人越人伐吳

六年春王正月杞伯益姑卒

葬秦景公

夏季孫宿如晉

葬杞文公

宋華合比出奔衛

秋九月大雩

楚遠罷帥師伐吳

冬叔弓如楚

齊侯伐北燕

七年春王正月暨齊平暨平者成也暨猶暨暨也暨者不得已也以外及內曰暨

三月公如楚

叔孫婁如齊蒞盟傳蒞位也內之前定之辭

春秋穀梁昭公

六

謂之莅外之前定之辭謂之來

媿公作舍後皆同

夏四月甲辰朔日有食之

秋八月戊辰衛侯惡卒傳鄉曰衛齊惡今日

衛侯惡此何為君臣同名也君子不奪人名不奪人親之所名重其所以來也王父名子也

鄉曰在元年父受命名于王父王父卒則

聽王父之命名之

九月公至自楚

冬十有一月癸未季孫宿卒

十有二月癸亥葬衛襄公

八年春陳侯之弟招殺陳世子偃師傳鄉曰

陳公子招今日陳侯之弟招何也曰盡其親所以惡招也兩下相殺不志乎春秋此其志何也世子云者唯君之貳也云可以重之存焉志之也諸侯之尊兄弟不得以屬通其弟

云者親之也親而殺之惡也

鄉曰在元年盡其親謂既稱公子又稱弟招先君之公子今君之母弟矣惡惡招也

夏四月辛丑陳侯溺卒

叔弓如晉

楚人執陳行人于徵師殺之傳稱人以執大夫執有罪也稱行人怨接於上也

陳公子留出奔鄭

秋蒐于紅傳正也因蒐狩以習用武事禮之大者也艾蘭以為防置旃以為轅門以葛覆質以為契流旁握御轡者不得入車軌塵馬候蹄拾禽旅御者不失其馳然後射者能中過防弗逐不從奔之道也面傷不獻不成禽不獻禽雖多天子取三十焉其餘與士眾以習射於射宮射而中田不得禽則得禽田得禽而射不中則不得禽是以知古之貴仁義

而賤勇力也

擊古帝反本或作擊

比年大蒐失禮因此以見正故曰正蘭香
草防為田之大限也通帛曰旃轅門印車
以其轅表門也質榘也榘也欒門中泉恐
木榘傷馬足故以葛草覆之流至也流旁
握謂兩車轄頭各去門邊空握握四寸也
繫挂則不得入門以恥其御拙也車軌塵
塵不出轍也馬候蹄發足相應遲疾相投

也揜禽旅揜取眾禽也不從奔之道戰不
逐奔之義也不成禽不獻惡虐幼小也射
宮澤宮射以不爭為仁揖讓為義

陳人殺其大夫公子過

大雩

冬十月壬午楚師滅陳執陳公子招放之于
越殺陳孔奭傳惡楚子也

惡其滅人之國放有罪殺無辜故實是楚

子而言師

葬陳哀公傳不與楚滅閔公也

滅國不葬閔陳之滅故書葬以存之

九年春叔弓會楚子于陳

許遷于夷

夏四月陳火傳國曰災邑曰火火不志此何

以志閔陳而存之也火左作災

秋仲孫矍如齊

冬築郎囿

十年春王正月

夏齊欒施來奔齊公作晉

秋七月季孫意如叔弓仲孫矍帥師伐莒

戊子晉侯彪卒

九月叔孫婁如晉葬晉平公

十有二月甲子宋公成卒成公作成

十有一年春王二月叔弓如宋葬宋平公

春火穀梁昭公

十

春秋傳

稽古樓

夏四月丁巳楚子虔誘蔡侯般殺之于申

何為名之也夷狄之君誘中國之君而殺之

故謹而名之也稱時稱月稱日稱地謹之也

楚公子棄疾帥師圍蔡

五月甲申夫人歸氏薨

大蒐于比蒲

仲孫貜會邾子盟于禚公作侵羊

秋季孫意如會晉韓起齊國弱宋華亥衛北

宮侏鄭罕虎曹人杞人于厥公作屈銀

九月己亥葬我小君齊歸

冬十有一月丁酉楚師滅蔡執蔡世子友以

歸用之傳此子也其曰世子何也不與楚殺

也一事註乎志所以惡楚子也友二傳作有

此子也者諸侯在喪稱子也一事註乎志

一事輒註而志之也變子言世子使若不

得其君然

春秋傳

十一 稽古樓

春秋傳
十有二年春齊高偃帥師納北燕伯于陽
納者內不受也燕伯之不名何也不以高偃
挈燕伯也

不名何也者據義不可受則應名而絕之
也公子遂以去公子為挈燕伯以書名為
挈者臣宜書名故須去公子乃為挈君不
可名而以臣名君者不但去燕伯則為挈
也是以目燕伯而不書名所以不與高偃

挈之

三月壬申鄭伯嘉卒

夏宋公使華定來聘

公如晉至河乃復復季孫氏不使遂乎晉也

五月葬鄭簡公

楚殺其大夫成虎虎左作熊
公作然

秋七月

冬十月公子慙出奔齊慙公
作整

春秋穀梁昭公

十二

昔古豐

春秋傳
楚子伐徐

晉伐鮮虞傳其曰晉狄之也其狄之何也不正其與夷狄交伐中國故狄稱之也

鮮虞姬姓白狄故曰中國夷狄交伐謂楚伐徐

十有三年春叔弓帥師圍費

夏四月楚公子比自晉歸于楚弑其君虔于乾溪傳曰晉晉有奉焉爾歸而弑不言歸言

歸非弑也歸一事也弑一事也而遂言之以比之歸弑比不弑也弑君者曰不曰比不弑也

溪二傳作谿

傳例曰歸為善然則弑君不得言歸比不弑之一驗也歸弑其事各異自宜別書而今連言之是比之歸遇君弑爾比不弑之二驗不日不弑之三驗

楚公子棄疾殺公子比傳當上之辭也當上

昭公

十三

齊下

之辭者謂不稱人以殺乃以君殺之也討賊以當上之辭殺非弑也比之不弑有四取國者稱國以弑楚公子棄疾殺公子比比不嫌也春秋不以嫌代嫌棄疾主其事故嫌也

弑作

公殺

當上之辭者謂不稱人以殺而云公子棄疾殺公子比如王札子殺召伯毛伯也稱人以殺謂若衛人殺祝吁于濮是也今比

實不弑故以君殺大夫之辭言之使比實有弑君之罪則人人皆欲殺宜稱人以殺之今言楚公子棄疾殺公子比明棄疾所殺非弑君之人比之不弑四驗也取國者稱國以弑謂若比欲取國而弑君者當直云楚比弑其君處不應言公子也若衛祝吁弑其君完齊無諸弑其君諸兒之類是也嫌欲為君之嫌也今棄疾殺之又言殺

公子比不言弑其君是比無欲為君之嫌矣春秋不以嫌代嫌者謂比歸而遇弑雖則無嫌棄疾之意亦以比欲為君之嫌而殺之是棄疾以比為嫌棄疾弑比而自立亦是嫌也今棄疾不以國氏者不以嫌代嫌故也若以嫌代嫌當云楚棄疾殺公子比矣但由不以嫌代嫌故存棄疾之氏耳棄疾主其事故嫌也者棄疾殺比理實有

嫌但為不以嫌代嫌故經無其事傳以棄疾經無嫌文故云棄疾主其事故嫌也主其事者主殺比之事也

秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平邱八月甲戌同盟于平邱公不與盟傳同者有同也同外楚也公不與盟者可以與而不與譏在公也其日善是盟也

公以數如晉不得入故不肯與盟善是盟者善其會盟因楚有難而反陳蔡之君也

晉人執季孫意如以歸公至自會蔡侯廬歸于蔡陳侯吳歸于陳傳善其成之會而歸之故謹而日之此未嘗有國也使如失國辭然者不與楚滅也

八年楚滅陳十一年楚滅蔡諸侯因楚之難會平邱而反陳蔡之君故於其歸追述

前盟謹日之意以美諸侯非謹陳蔡歸國之是也於盟則發謹日之美於歸則論致美之義

冬十月葬蔡靈公傳變之不葬有三失德不葬弒君不葬滅國不葬然且葬之不與楚滅且成諸侯之事也

春秋之常小國夷狄不葬變之謂改常禮失德無君道也弒君謂不討賊如無臣子

也滅國無臣子也靈公弑逆無道身死國滅而書葬者不令夷狄加乎中國且成諸侯興滅繼絕之善也

公如晉至河乃復

吳滅州來

十有四年春意如至自晉傳大夫執則致致則名意如惡然而致見君臣之禮也

大夫有罪則宜廢之既不能廢不得不盡

君臣之恩

三月曹伯滕卒

夏四月

秋葬曹武公

八月莒子去疾卒

冬莒殺其公子意恢傳言公子而不言大夫莒無大夫也莒無大夫而曰公子意恢意恢賢也曹莒皆無大夫其所以無大夫者其義

春秋穀梁昭公

異也

曹叔振鐸文王之子武王封之于曹在甸服之內後削小爾莒已姓東夷微國小國無大夫也

十有五年春王正月吳子夷末卒末公作昧

二月癸酉有事于武宮籥入叔弓卒去樂卒

事傳君在祭樂之中聞大夫之喪則去樂卒事禮也君在祭樂之中大夫有變以聞可乎

大夫國體也古之人重死君命無所不通

君在祭樂之中君在廟中祭作樂也君之卿佐是謂股肱故曰國體君命無所不通解命告也

夏蔡朝吳出奔鄭公作昭吳無出字

六月丁巳朔日有食之

秋晉荀吳帥師伐鮮虞

冬公如晉

春大穀梁昭公

春秋傳

十有六年春齊侯伐徐

楚子誘戎蠻子殺之蠻公作曼

夏公至自晉

秋八月乙亥晉侯夷卒

九月大雩

季孫意如如晉

冬十月葬晉昭公

十有七年春小邾子來朝

釋名

夏六月甲戌朔日有食之

秋邾子來朝

八月晉荀吳帥師滅陸渾戎陸公作賁左作陸渾之戎

冬有星孛于大辰傳一有一亡曰有于大辰

者濫于大辰也

大辰者大火也不曰孛于大火而曰大辰

者謂濫于蒼龍之體不獨加大火

楚人及吳戰于長岸傳兩夷狄曰敗中國與

春秋穀梁昭公

十九

夷狄亦曰敗楚人及吳戰于長岸進楚于故曰戰

夷狄不能結日成陳故曰敗

十有八年春王三月曹伯須卒

夏五月壬午宋衛陳鄭災傳其志以同日也其日亦以同日也或曰人有謂鄭子產曰某日有災子產曰天者神子惡知之是人也同日為四國災也

六月邾人入郟

秋葬曹平公

冬許遷于白羽

十有九年春宋公伐邾

夏五月戊辰許世子止弑其君買傳曰弑正卒也正卒則止不弑也不弑而曰弑責止也止曰我與夫弑者不立乎其位以與其弟虺哭泣歆飭粥噍不容粒未踰年而死故君子

春秋穀梁傳昭公

二十

即止自責而責之也

就其有自責心故以備禮責之

己卯地震

秋齊高發帥師伐莒

冬葬許悼公傳曰卒時葬不使止為弑父也

曰子既生不免乎水火母之罪也羈貫成童

不就師傅父之罪也就師學問無方心志不

通身之罪也心志既通而名譽不聞友之罪

也名譽既聞有司不舉有司之罪也有司舉

之王者不用王者之過也許世子不知嘗藥

累及許君也

羈貫謂交午剪髮以為飾成童八歲以上

也許君不授子以師傅使不識嘗藥之義

故累及之

二十年春王正月

夏曹公孫會自夢出奔宋傳自夢者專乎夢

春秋穀梁昭公

三

言五

春秋傳

稽古樓

也曹無大夫其曰公孫何也言其以貴取之

而不以叛也夢左作鄭

專乎夢能專制夢也會以公孫之貴而得

夢既而不以之叛明曹君無道致令其奔

非會之罪故書公孫以善之

秋盜殺衛侯之兄輒傳盜賤也其曰兄母兄

也目衛侯衛侯累也然則何為不為君也曰

有天疾者不得入乎宗廟輒者何也曰兩足

不能相過齊謂之綦楚謂之跣衛謂之輒左

繫作

諸侯之尊兄弟不得以屬通經不書衛公

子而目言衛侯之兄者惡其不能保護其

兄乃為盜所殺故稱至賤殺至貴耳何為

不為君據嫡兄宜為君也綦連并也跣聚

合不解也

冬十月宋華亥向寧華定出奔陳寧公作甯

春火穀梁昭公

三 晉書

十有一月辛卯蔡侯廬卒

二十有一年春王三月葬蔡平公

夏晉侯使士鞅來聘

宋華亥向寧華定自陳入于宋南里以叛

自陳陳有奉焉爾人者內弗受也其曰宋南

里宋之南鄙也以者不以者也叛直叛也

作附
後同

直叛言不作亂

秋七月壬午朔日有食之

八月乙亥叔輒卒

輒公
作痊

冬蔡侯東出奔楚

東者東國也何為謂之

東也王父誘而殺焉父執而用焉奔而又奔

之曰東惡之而貶之也

東左公
作朱蔡侯般東國之王父世子友東國之父也

奔既罪矣又奔讎國惡莫大焉

公如晉至河乃復

昭公

春秋傳

稽古樓

二十有二年春齊侯伐莒

宋華亥向寧華定自宋南里出奔楚傳自宋南里者專也

專專制南里也

大蒐于昌閒傳秋而曰蒐此春也其曰蒐何

也以蒐事也問公作姦

夏四月乙丑天王崩

六月叔鞅如京師葬景王

王室亂傳亂之為言事未有所成也

劉子單子以王猛居于皇傳以者不以者也王猛嫌也

直言王猛不言王子是有當國之嫌

秋劉子單子以王猛入于王城傳以者不以者也入者內弗受也

猛非正也

冬十月王子猛卒傳此不卒者也其曰卒失

春秋穀梁昭公

二十四 晉古婁

嫌也

不卒謂未成君也猛本有當國之嫌其卒則失嫌故錄之

十有二月癸酉朔日有食之

二十有三年春王正月叔孫婼如晉

癸丑叔鞅卒

晉人執我行人叔孫婼

晉人圍郊

夏六月蔡侯東國卒于楚

秋七月莒子庚輿來奔

戊辰吳敗頓胡沈蔡陳許之師于雞甫胡子

髡沈子盈滅獲陳夏齧傳中國不言敗此其

言敗何也中國不敗胡子髡沈子盈其滅乎

其言敗釋其滅也獲陳夏齧獲者非與之辭

也上下之稱也甫二傳作父盈左作逞公作盪

中國不言敗據戰邲晉師敗績不言楚敗

晉師也其言敗釋其滅也者若師不敗則君無由滅也賢胡沈之君死社稷非與之辭不與吳獲也賢夏鬻雖獲不病以其得眾也義與宣元年華元同上下之稱者君死曰滅臣得曰獲君臣之稱

天王居于狄泉傳始王也其曰天王因其居而王之也

天子踰年卽位稱王敬王踰年而出故曰

始王雖不在國行卽位之禮王者以天下為家故居于狄泉稱王也

尹氏立王子朝傳立者不宜立者也朝之名何也別嫌乎尹氏之朝也

朝不直名而言王子者若但言尹氏立朝嫌朝是尹氏之子故言王子以別之

八月乙未地震

冬公如晉至河公有疾乃復傳疾不志此其

春秋穀梁昭公

二六 晉書

志何也釋不得入乎晉也

左無下
公字

二十有四年春王二月丙戌仲孫獲卒

媯至自晉傳大夫執則致致則挈由上致之

也公羊有叔孫
二字冠首

上謂宗廟也致臣于廟則直名而已所謂

君前臣名

夏五月乙未朔日有食之

秋八月大雩

丁酉杞伯郁釐卒

冬吳滅巢

葬杞平公

二十有五年春叔孫婣如宋

夏叔倪會晉趙鞅宋樂大心衛北宮喜鄭游

吉曹人邾人滕人薛人小邾人于黃父

有鸛鶴來巢傳一有一亡曰有來者來中國

也鸛鶴穴者而曰巢或曰增之也鸛其俱反
鶴音欲

春秋穀梁傳昭公

三

晉書

增之也者如增言巢爾其實不巢也

秋七月上辛大雩季辛又雩傳季者有中之辭也又有繼之辭也

九月乙亥公孫于齊次于陽州傳孫之為言

猶孫也諱奔也次止也乙二傳作已陽公作揚

齊侯唁公于野井傳弔失國曰唁唁公不得入于魯也

冬十月戊辰叔孫婁卒

十有一月己亥宋公佐卒于曲棘傳邢公也

邢當為訪謀也言宋公所以卒于曲棘者

欲謀納公也

十有二月齊侯取鄆傳取易辭也內不言取以其為公取之故易言之也

二十有六年春王正月葬宋元公

二月公至自齊居于鄆傳公次于陽州其曰至自齊何也以齊侯之見公可以言至自齊

設梁昭公

天

言

春秋傳

稽古樓

也居于鄆者公在外也至自齊道義不外公也

以親見齊侯為重故可言至自齊也若但言至自齊而不言居于鄆則公得歸國矣欲明公實在外故言居于鄆也至自齊者臣子喜君父得反致宗廟之辭爾君雖在外猶以在國之禮存錄之是崇君之道也
夏公圍成傳非國不言圍所以言圍者以大

公也

秋公會齊侯莒子邾子杞伯盟于鄆陵公至自會居于鄆傳公在外也至自會道義不外公也

九月庚申楚子居卒

冬十月天王入于成周傳周有人無出也

始即位非其所今得還復據宗廟是內故可言人若即位在廟則王者無外不言出

春秋傳

昭公

二十九

卷五

尹氏召伯毛伯以王子朝奔楚傳遠矣非也
奔直奔也

非責也奔篡君之賊其責遠矣謂不但責
尹氏三人蓋遠責諸侯附楚不誅子朝而
使之奔讎諸侯之罪大矣故曰奔直奔也
謂諸侯緩追逸賊任其奔而無所忌憚也
楚子朝之舅於周為讎

二十有七年春公如齊公至自齊居于鄆傳

公在外也

夏四月吳弑其君僚

楚殺其大夫鄒宛鄒二傳
作郟

秋晉士鞅宋樂祁犁衛北宮喜曹人邾人滕
人會于扈

冬十月曹伯午卒

邾快來奔

公如齊公至自齊居于鄆

昏火穀梁昭公

二十有八年春王三月葬曹悼公

公如晉次于乾侯傳公在外也

夏四月丙戌鄭伯寧卒

六月葬鄭定公

秋七月癸巳滕子寧卒

冬葬滕悼公

二十有九年春公至自乾侯居于鄆

齊侯使高張來唁公傳唁公不得入于魯也

公如晉次于乾侯

夏四月庚子叔倪卒傳季孫意如曰叔倪無

病而死此皆無公也是天命也非我罪也

言倪欲納公無病而死此皆天命使魯無

君公之出非我罪

秋七月

冬十月鄆潰傳潰之為言上下不相得也上

下不相得則惡矣亦譏公也昭公出奔民如

春秋穀梁昭公

三 晉王甚

不才傳

釋古樓

釋重負

三十年春王正月公在乾侯傳中國不存公存公故也

中國猶國中謂魯也昭以二十五年出奔二十六年居鄆是魯地不存公至此寄在乾侯為晉地明公去魯竟而入於晉界不復望還遂卒于外傳以有故釋之所以閔公也

夏六月庚辰晉侯去疾卒

秋八月葬晉頃公

冬十有二月吳滅徐徐子章羽奔楚羽二傳作馬

三十有一年春王正月公在乾侯

季孫意如會晉荀欒于適歷

夏四月丁巳薛伯穀卒

晉侯使荀欒唁公于乾侯傳唁公不得入於

魯也曰既為君言之矣不可者意如也

春秋穀梁昭公 三 魯古婁

春秋傳

言己已告魯求納君唯意如不肯耳

和

秋葬薛獻公

冬黑肱以濫來奔傳其不言邾黑肱何也別乎邾也其不言濫子何也非天子所封也來奔內不言叛也

邾以濫邑別封黑肱

十有二月辛亥朔日有食之

三十有二年春王正月公在乾侯取鬪

夏吳伐越

秋七月

冬仲孫何忌會晉韓不信齊高張宋仲幾衛大叔申鄭國參曹人莒人邾人薛人杞人小邾人城成周傳天子微諸侯不享觀天子之在者惟祭與號故諸侯之大夫相帥以城之此變之正也

十有二月己未公薨于乾侯

春秋穀梁昭公

三

昭公

春秋穀梁傳昭公終

春秋穀梁傳

晉范甯集解

明閔齊伋裁注

定公

元年春王傳不言正月定無正也定之無正何也昭公之終非正終也定之始非正始也昭無正終故定無正始不言即位喪在外也三月晉人執宋仲幾于京師傳此其大夫其

春秋穀梁傳定公

晉人其

曰人何也微之也何為微之不正其執人於尊者之所也不與大夫之伯討也

夏六月癸亥公之喪至自乾侯戊辰公即位
傳殯然後即位也定無正見無以正也踰年不言即位是有故公也言即位是無故公也即位授受之道也先君無正終則後君無正始也先君有正終則後君有正始也戊辰公即位謹之也定之即位不可不察也公即位

何以日也戊辰之日然後即位也癸亥公之喪至自乾侯何為戊辰之日然後即位也正君乎國然後即位也沈子曰正棺乎兩楹之間然後即位也丙之大事日即位君之大事也其不日何也以年決者不以日決也此則其日何也著之也何著焉踰年即位厲也於厲之中又有義焉未殯雖有天子之命猶不敢況臨諸臣乎周人有喪魯人有喪周人弔

者不傳

稽古樓

魯人不弔周人曰固吾臣也使人可也魯人曰吾君也親之者也使大夫則不可也故周人弔魯人不弔以其下成康為未久也君至尊也去父母之殯而往弔猶不敢況未殯而臨諸臣乎

有故公謂昭公在外故也先君見授後君乃受須棺在殯乃言即位授受之道也正君乎國然後即位者諸侯五日而殯今以

五年春王三月辛亥朔日有食之

夏歸粟于蔡傳諸侯無粟諸侯相歸粟正也孰歸之諸侯也不言歸之者專辭也義邇也

專辭謂不言歸之者主名若獨是魯也義邇言此是邇近之事不足具列諸侯矣

於越入吳

六月丙申季孫意如卒

秋七月壬子叔孫不敢卒

宋公穀榮定公

十

齊下其

冬晉士鞅帥師圍鮮虞

六年春王正月癸亥鄭游速帥師滅許以許

男斯歸速公作茲

二月公侵鄭公至自侵鄭

夏季孫斯仲孫何忌如晉

秋晉人執宋行人樂祁犁

冬城中城傳城中城者三家張也或曰非外

民也

君始死之禮治之故須殯而後言即位也

著之欲有所見也厲危也公喪在外踰年

六月乃得即位危故日之又有義焉謂先

君未殯則後君不得即位也命召也不敢

不敢背殯而往也下成康為未久謂周道

尚明無愧於不往也

秋七月癸巳葬我君昭公

九月大雩傳雩月雩之正也秋大雩非正也

定公

穀梁

三

晉古妻

冬大雩非正也秋大雩雩之為非正何也毛澤未盡人力未竭未可以雩也雩月雩之正也月之為雩之正何也其時窮人力盡然後雩雩之正也何謂其時窮人力盡是月不雨則無及矣是年不艾則無食矣是謂其時窮人力盡也雩之必待其時窮人力盡何也雩者為早求者也求者請也古之人重請何重乎請人之所以為人者讓也請道去讓也則

是舍其所以為人也是以重之焉請哉請乎應上公古之神人有應上公者通乎陰陽君親帥諸大夫道之而以請焉夫請者非可詒託而往也必親之者也是以重之

凡地所生謂之毛毛澤未盡言秋百穀之潤澤未盡也道之為君必為先也禱辭曰方今大旱野無生稼寡人當死百姓何謗

卽請辭也詒託猶假借

立燔宮傳立者不宜立者也

煬公伯禽子廟毀已久

冬十月隕霜殺菽傳未可以殺而殺舉重可殺而不殺舉輕其曰菽舉重也

解見僖三十三年

二年春王正月

三月辰雉門及兩觀災傳其不曰雉門

災及兩觀何也災自兩觀始也不以尊者親災也先言雉門尊尊也

雉門公宮之南門故云尊兩觀闕也欲言

兩觀災及雉門則卑不可以及尊災不從

雉門起故不得言雉門災及兩觀兩觀始

災故災在兩觀下也

秋楚人伐吳

冬十月新作雉門及兩觀傳言新有舊也作

定公

五

皆古婁

春秋傳

和子棟

為也有加其度也此不正其以尊者親之何也雖不正也於美猶可也

不正謂更廣大之不合法度也據當諱而以雉門親新作之下故問之於美猶可者謂上災惡故尊雉門推災而遠之今新作美好之事雖不正可以親之也

三年春王正月公如晉至河乃復

三月辛卯邾子穿卒

夏四月

秋葬邾莊公

冬仲孫何忌及邾子盟于拔拔公作枝

四年春王二月癸巳陳侯吳卒

三月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛伯

紀伯小邾子齊國夏于召陵侵楚

夏四月庚辰蔡公孫姓帥師滅沈以沈子嘉

春火穀梁定公

六

卷之六

歸殺之

公羊公孫下有歸字

五月公及諸侯盟于皋鼬傳後而再會公志

於後會也後志疑也

皋鼬公羊作浩油

公畏強楚疑於侵之故復者更謀也按傳例地而伐疑辭今經言會于召陵侵楚則疑於前會不關於後而云志於後會也者後志疑何解楚當時為之所困削弱矣諸侯侵之易可得志今一會之中十有九國

眾力之強足以服楚不敢深入淺侵郊竟則責諸侯之疑居然可曉公疑於楚強謂無勇故會盟二文並見魯公外內之疑兩

顯

杞伯成卒于會

成公作戊

六月葬陳惠公

許遷于容城

秋七月公至自會

季大穀梁定公

春秋傳

釋古

劉卷卒傳此不卒而卒者賢之也寰內諸侯也非列土諸侯此何以卒也天王崩為諸侯主也

天子畿內大夫有采地者謂之寰內諸侯

葬杞悼公

楚人圍蔡

晉士鞅衛孔圉帥師伐鮮虞

葬劉文公

冬十有一月庚午蔡侯以吳子及楚人戰于伯舉楚師敗績傳吳其稱子何也以蔡侯之以之舉其貴者也蔡侯之以之則其舉貴者何也吳信中國而攘夷狄吳進矣其信中國而攘夷狄奈何子胥父誅于楚也挾弓持矢而干闔廬闔廬曰大之甚勇之甚為是欲與師而伐楚子胥諫曰臣聞之君不為匹夫與師且事君猶事父也虧君之義復父之讐臣

春秋傳 定公

八

弗爲也於是止蔡昭公朝于楚有美裘正是
 日囊瓦求之昭公不與爲是拘昭公於南郢
 數年然後得歸歸乃用事乎漢曰苟諸侯有
 欲伐楚者寡人請爲前列焉楚人聞之而怒
 爲是興師而伐蔡蔡請救于吳子胥曰蔡非
 有罪楚無道也君若有憂中國之心則若此
 時可矣爲是興師而伐楚何以不言救也救
 大也

伯左作柏舉公
作莒信音申

貴謂子也見不以禮曰干正是日謂昭公
 始朝楚之日也用事者禱漢水神也何以
 不言救據實救蔡也救大也者未同諸夏
 故不與救也

楚囊瓦出奔鄭

庚辰吳人楚傳日入易無楚也易無楚者壞
 宗廟徙陳器撻平王之墓何以不言滅也欲
 存楚也其欲存楚奈何昭王之軍敗而逃父

春秋穀梁定公

九

春秋

老送之曰寡人不肖亡先君之邑父老反矣何憂無君寡人且用此入海矣父老曰有君如此其賢也以眾不如吳以必死不如楚相與擊之一夜而三敗吳人復立何以謂之吳也狄之也何謂狄之也君居其君之寢而妻其君之妻大夫居其大夫之寢而妻其大夫之妻蓋有欲妻楚王之母者不正乘敗人之績而深為利居人之國故反其狄道也

中城內城張侈也

季孫斯仲孫忌帥師圍郟

七年春王正月

夏四月

秋齊侯鄭伯盟于鹹

齊人執衛行人北宮結以侵衛傳以重辭也
衛人重北宮結

衛重結故執以侵之若楚執宋公以伐宋

春火穀梁定公

春秋傳

齊侯衛侯盟于沙公羊作沙澤

稽古樓

大雩

齊國夏帥師伐我西鄙

九月大雩

冬十月

八年春王正月公侵齊公至自侵齊二月公侵齊三月公至自侵齊團公如往時致月危致也往月致時危往也往月致月惡之也

曹伯露卒

夏齊國夏帥師伐我西鄙

公會晉師于瓦公至自瓦

秋七月戊辰陳侯柳卒

晉士鞅帥師侵鄭遂侵衛土公作趙

葬曹靖公

九月葬陳懷公

季孫斯仲孫何忌帥師侵衛

承火穀梁定公

十三

晉書

冬衛侯鄭伯盟于曲濮

從祀先公傳貴復正也

文公逆祀今還順

盜竊寶玉大弓傳寶玉者封圭也大弓者武王之戎弓也周公受賜藏之魯非其所以與人而與人謂之亡非其所取而取之謂之盜封圭始封之圭戎弓武王征伐之弓也

九年春王正月

夏四月戊申鄭伯蠆卒

得寶玉大弓傳其不地何也寶玉大弓在家則羞不目羞也惡得之得之堤下或曰陽虎以解眾也

國之大寶在家則羞況陪臣專之乎恥甚而不目其地也

六月葬鄭獻公

秋齊侯衛侯次于五氏

季火穀梁定公

秦伯卒

冬葬秦哀公

十年春王三月及齊平

夏公會齊侯于頰谷公至自頰谷傳離會不致何為致也危之也危之則以地致何也為危之也其危奈何曰頰谷之會孔子相焉兩君就壇兩相揖齊人鼓譟而起欲以執魯君孔子歷階而上不盡一等而視歸乎齊侯

曰兩君合好夷狄之民何為來為命司馬止之齊侯逡巡而謝曰寡人之過也退而屬其二三大夫曰夫人率其君與之行古人之道二三子獨率我而入夷狄之俗何為罷會齊人使優施舞於魯君之幕下孔子曰笑君者罪當死使司馬行法焉首是異門而出齊人來歸鄆謹龜陰之田者蓋為此也因是以見雖有文事必有武備孔子於頰谷之會見之

春秋左傳

定公

卷之四

春秋左傳
矣類左作夾
屬音燭

二國會曰離各是其所是非其所非是非
不同故曰離離則善惡無在不足致之宗
廟故不致也屬語也優俳施其名也齊侯
自頰谷歸謂晏子曰寡人獲罪於魯侯如
之何晏子曰君子請過以質小人謝過以
文齊嘗侵魯四邑謝皆還之

晉趙鞅帥師圍衛

齊人來歸鄆謹龜陰之田一傳無
之字

叔孫州仇仲孫何忌帥師圍郕

秋叔孫州仇仲孫何忌帥師圍郕

宋樂大心出奔曹宋公子地出奔陳

冬齊侯衛侯鄭游速會于安甫

叔孫州仇如齊

宋公之弟辰暨宋仲佗石彊出奔陳

十有一年春宋公之弟辰及仲佗石彊公子

春秋穀梁定公十五晉古婁

地自陳入于蕭以叛傳宋公之弟辰未失其弟也及仲佗石彊公子地以尊及卑也自陳陳有奉焉爾入于蕭以叛入者內弗受也以者不以也叛直叛也

辰未有失其為弟之道故書弟以罪宋公不能制御強臣以撫其弟而使二卿脅以外奔故著暨以表強辭稱弟以見無罪也今而入國兩子之情非辰之意故重發例

以明無罪蕭宋邑

夏四月

秋樂大心自曹入于蕭

冬及鄭平叔還如鄭莅盟

十有二年春薛伯定卒

夏葬薛襄公

叔孫州仇帥師墮郈傳墮猶取也

墮非訓取以陪臣專強恃城為固叔孫毀

宋火穀梁定公

十六

卷之七

春秋傳

其城若新得之故云猶取也

稽古樓

衛公孟彊帥師伐曹

季孫斯仲孫何忌帥師墮費

秋大雩

冬十月癸亥公會齊侯盟于黃

齊公作晉

十有一月丙寅朔日有食之

公至自黃

十有二月公圍成傳非國言圍圍成大公也

以公之重而伐小邑恥甚故大之使若國

然

公至自圍成傳何以致危之也何危爾邊乎

齊也

十有三年春齊侯次于垂葭

二傳齊侯下有衛侯葭公作瑕

夏築蛇淵圍

大蒐于比蒲

衛公孟彊帥師伐曹

春秋穀梁定公

十七

卷五十七

秋晉趙鞅入于晉陽以叛傳以者不以者也
叛直叛也

冬晉荀寅士吉射入于朝歌以叛

晉趙鞅歸于晉傳此叛也其以歸言之何也
貴其以地反也貴其以地反則是大利也非
大利也許悔過也許悔過則何以言叛也以
地正國也以地正國則何以言叛其入無君
命也

叛以歸言據叛惡而歸善也以地之地謂

晉陽也以地正國以晉陽之兵還正國也

專入晉陽以興兵甲不得言叛實以驅

惡而安君則釋兵不得言歸春秋善惡

必著之義

薛弒其君比

十有四年春衛公叔戌來奔

晉趙陽出奔宋晉左作衛

宋火穀梁定公

二月辛巳楚公子結陳公孫佗人帥師滅頓以頓子牂歸

夏衛北宮結來奔

五月於越敗吳于檇李

吳子光卒

公會齊侯衛侯于牽公至自會

秋齊侯宋公會于洮

天王使石尚來歸賑傳賑者何也俎實也祭

丙也生曰賑熟曰膳其辭石尚士也何以知其士也天子之大夫不名石尚欲書春秋諫曰久矣周之不行禮於魯也請行賑貴復正也

辭猶書也欲書春秋欲著名於春秋也

衛世子蒯聩出奔宋衛公孟彊出奔鄭

宋公之弟辰自蕭來奔

大蒐于比蒲邾子來會公

春秋穀梁

定公

十九

言古樓

城莒父及霄

十有五年春王正月邾子來朝

鼯鼠食郊牛牛死改卜牛傳不敬莫大焉

公不敬最大故天災最甚

二月辛丑楚子滅胡以胡子豹歸

夏五月辛亥郊

壬申公薨于高寢傳高寢非正也

鄭罕達帥師伐宋

齊侯衛侯次于渠蔭

邾子來奔喪傳喪急故以奔言之

傳言急所以申匍匐之情

秋七月壬申弋氏卒傳妾辭也哀公之母也

八月庚辰朔日有食之

九月滕子來會葬

丁巳葬我君定公雨不克葬傳葬既有日不

為雨止禮也雨不克葬喪不以制也

家火穀梁定公

二子

春秋傳

和古

戊午日下稷乃克葬傳乃急辭也不足乎日之辭也

稷是也下是謂晡時詳宣八年注

辛巳葬定弋

冬城漆

春秋穀梁傳定公終

春秋穀梁傳

晉范甯集解

明閔齊伋裁注

哀公

元年春王正月公即位

楚子陳侯隨侯許男圍蔡

鼯鼠食郊牛角改卜牛夏四月辛巳郊傳此

諺之變而道之也於變之中又有言焉鼯鼠

春秋穀梁

哀公

卷五

食郊牛角改卜牛志不敬也郊牛日展斛角
 而知傷展道盡矣郊自正月至于三月郊之
 時也夏四月郊不時也五月郊不時也夏之
 始可以承春以秋之末承春之始蓋不可矣
 九月用郊用者不宜用者也郊三卜禮也四
 卜非禮也五卜強也卜免牲者吉則免之不
 吉則否牛傷不言傷之者傷自牛作也故其
 辭緩全曰牲傷曰牛未牲曰牛其牛一也其

所以為牛者異有變而不郊故卜免牛也已
 牛矣其尚卜免之何也禮與其亡也寧有嘗
 置之上帝矣故卜而後免之不敢專也卜之
 不吉則如之何不免安置之繫而待六月上
 甲始庀牲然後左右之子之所言者牲之變
 也而曰我一該郊之變而道之何也我以六
 月上甲始庀牲十月上甲始繫牲十一月十
 二月牲雖有變不道也待正月然後言牲之

變此乃所以該郊郊享道也貴其時大其禮
 其養牲雖小不備可也子不志三月卜郊何
 也郊自正月至于三月郊之時也我以十二
 月下辛卜正月上辛如不從則以正月下辛
 卜二月上辛如不從則以二月下辛卜三月
 上辛如不從則不郊矣求
 該備也春秋書郊終於此故於此備說郊
 之變變謂郊非其時或牲被災害展道盡

矣者謂展道雖盡所以備災之道不盡議
 哀公不敬故致天變也九月用郊在成十
 七年三卜者下文十二月正月二月三卜
 是也求卜之道三故曰禮強也者知其不
 可而強為之也其辭緩謂宣三年郊牛之
 口傷加之緩辭庀具也待具後牲然後左
 右前牛皆我用之不復須卜已有新牲故
 也子之所言弟子問穀梁子之辭而曰我

者是弟子述穀梁子自我之意我以六月
穀梁子答弟子之辭十二月以前牲有變
則改卜牛以不妨郊事故不言其變至正
月以後然後言其變重其妨郊也此所以
該郊者言其變道盡矣不志三月卜郊常
事不書也此三月謂十二月正月二月郊
必用上辛者取其新潔莫先也

秋齊侯衛侯伐晉

冬仲孫何忌帥師伐邾

二年春王二月季孫斯叔孫州仇仲孫何忌
帥師伐邾取瀛東田及沂西田傳取瀛東田
瀛東未盡也及沂西田沂西未盡也

瀛沂皆水名以其言東西則知其未盡

癸巳叔孫州仇仲孫何忌及邾子盟于句繹
傳三人伐而二人盟何也各盟其得也
季孫不得田不與盟

夏四月丙子衛侯元卒

滕子來朝

晉趙鞅帥師納衛世子蒯聩于戚傳納者內弗受也帥師而後納者有伐也何用弗受也以輒不受也以輒不受父之命受之王父也信父而辭王父則是不尊王父也其弗受以尊王父也

秋八月甲戌晉趙鞅帥師及鄭罕達帥師戰

鐵鄭師敗績

鐵公作西

冬十月葬衛靈公

十有一月蔡遷于州來蔡殺其大夫公子駟三年春齊國夏衛石曼姑帥師圍戚傳此衛事也其先國夏何也子不圍父也不繫戚於衛者子不有父也

國夏首兵應言衛戚今不言辟子有父也子有父者戚繫衛則為大夫屬於衛矣

春秋穀梁

哀公

五 晉古

夏四月甲午地震

五月辛卯桓宮僖宮災傳言及則祖有尊卑由我言之則一也

遠祖親盡尊卑如一

季孫斯叔孫州仇帥師城啓陽

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾

四年春王二月庚戌盜弑蔡侯申傳稱盜以弑君不以上下道道也內其君而外弑者不以弑道道也春秋有三盜微殺大夫謂之盜非所取而取之謂之盜辟中國之正道以襲利謂之盜

以上下道道者若隱四年衛州吁弑其君

春秋穀梁哀公

六 管子書

完是也今直稱盜不在人倫之序矣內其君而外弑者若襄七年鄭伯髡原如會未見諸侯丙戌卒於燥是不以弑道道也微殺大夫十三年冬盜殺陳夏區夫是也非所取而取陽貨竊寶玉大弓是也辟中國之正道以襲利此殺蔡侯申是也是非微者蓋抑而書盜也

蔡公孫辰出奔吳

葬秦惠公

宋人執小邾子

夏蔡殺其大夫公孫姓公孫霍

晉人執戎蠻子赤歸于楚蠻公作曼

城西郭

六月辛丑亳社災亳社者亳之社也亳亡

國也亡國之社以爲廟屏戒也其屋亡國之

社不得達上也亳公作蒲

齊火穀梁哀公

武王伐紂班列其社於諸侯諸侯立亳社於廟外以為屏蔽致戒心也為之作屋不使上通天也有屋故言災

秋八月甲寅滕子結卒

冬十有二月葬蔡昭公

葬滕頃公

五年春城毗

夏齊侯伐宋

晉趙鞅帥師伐衛

秋九月癸酉齊侯杵臼卒杵公作處

冬叔還如齊

閏月葬齊景公傳不正其閏也

閏月附月之餘日喪事不數

六年春城邾瑕

晉趙鞅帥師伐鮮虞

吳伐陳

春火穀梁哀公

夏齊國夏及高張來奔

叔還會吳于相

秋七月庚寅楚子軫卒

齊陽生入于齊齊陳乞弑其君荼傳陽生入而弑其君以陳乞主之何也不以陽生君茶也其不以陽生君茶何也陽生正茶不正不正則其巨君何也茶雖不正已受命矣入者內弗受也茶不正何用弗受以其受命可以

言弗受也陽生其以國氏何也取國於荼也

荼音舒
公作舍

受命受命於景公而立也以國氏謂去公子陽生篡國故不言公子也

冬仲孫何忌帥師伐邾

宋向巢帥師伐曹

七年春宋皇瑗帥師侵鄭

晉魏曼多帥師侵衛

春火穀梁哀公

夏公會吳于繪

秋公伐邾八月己酉入邾以邾子益來傳以者不以者也益之名惡也春秋有臨天下之言焉有臨一國之言焉有臨一家之言焉其言來者有外魯之辭焉

惡也者惡其不能死社稷臨者撫有之也王者無外以天下為家盡其有也諸侯之臨國亦得有之如王於天下大夫臨家猶

諸侯臨國此三者皆以外內辭別之王者

以海內之辭言即僖二十八年天王狩于

河陽傳曰全天王之行也是也王者微弱

則以外辭言之即僖二十四年天王出居

于鄭傳曰失天下也是也諸侯臨國亦據

外內言之若宣九年辛酉晉侯卒于扈傳

曰其地于外也其日未踰竟也既以內外

顯地及日是以一國言之家謂采地若文

春秋穀梁哀公

十

元年毛伯來錫公命定四年劉卷卒其毛劉皆采邑名大夫氏采為家是以一家言之也非已內有從外來者曰來今魯侯身以歸而曰來是外之矣

宋人圍曹

冬鄭駟弘帥師救曹

八年春王正月宋公入曹以曹伯陽歸吳伐我

夏齊人取讎及聞傳惡內也

內不言取言取授之也前年以邾子益來益齊之甥也畏齊故賂之

歸邾子益于邾傳益之名失國也

於王法當絕故

秋七月

冬十有二月癸亥杞伯過卒

齊人歸讎及聞

齊人殺梁哀公

九年春王二月葬杞僖公

宋皇瑗帥師取鄭師于雍邱傳取易辭也
以師而易取鄭病矣

鄭師將劣由君不任其才

夏楚人伐陳

秋宋公伐鄭

冬十月

十年春王二月邾子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯夷卒

哀公

春秋傳

秋葬薛惠公

冬楚公子結帥師伐陳吳救陳

十有一年春齊國書帥師伐我

夏陳轅頗出奔鄭

五月公會吳伐齊甲戌齊國書帥師及吳戰

于艾陵齊師敗績獲齊國書

秋七月辛酉滕子虞母卒

冬十有一月葬滕隱公

稽古樓

衛世叔齊出奔宋

十有二年春用田賦傳古者公田什一用田賦非正也

古者一邱之田方十六井一百四十四夫

軍賦之法因其田財通出馬一匹牛三頭

今乃分別其田及家財各令出此賦則一

邱之田出馬二匹牛六頭故曰用田賦言

非所宜用也謂之田賦者古者但賦其家

季火穀梁哀公

十三 管子

財今又計田貢故曰田賦也

夏五月甲辰孟子卒傳孟子者何也昭公夫
人也其不言夫人何也諱取同姓也

公會吳于橐皋

秋公會衛侯宋皇瑗于鄆

宋向巢帥師伐鄭

冬十有二月螽

十有三年春鄭罕達帥師取宋師于岳傳取

易辭也以師而易取宋病矣

夏許男成卒

公會晉侯及吳子于黃池傳黃池之會吳子

進乎哉遂子矣吳夷狄之國也祝髮文身欲

因魯之禮因晉之權而請冠端而襲其籍于

成周以尊天王吳進矣吳東方之大國也累

累致小國以會諸侯以合乎中國吳能為之

則不臣乎吳進矣王尊稱也子卑稱也辭尊

稱而居卑稱以會乎諸侯以尊天王吳王夫
差曰好冠來孔子曰大矣哉夫差未能言冠
而欲冠也

遂子進遂稱子也請冠端而襲請著元冠
元端衣冠上下為相襲也謂貢獻著於
籍錄以為常職也累累猶數也則不臣
乎言其臣也未能言冠不知冠有差等也

楚公子申帥師伐陳

於越入吳

秋公至自晉

晉魏曼多帥師侵衛

葬許元公

九月螽

冬十有一月有星孛于東方

盜殺陳夏區夫

十有二月螽

十有四年春西狩獲麟傳引取之也狩地不
地不狩也非狩而曰狩大獲麟故大其適也
其不言來不外麟於中國也其不言有不使
麟不恒於中國也

鸚鵡非常禽蜚聲非嘉瑞故書有書來中
國軌儀表於遐荒道風扇于不朽麒麟步
郊不為暫有鸞鳳栖林非為權來矣

春秋穀梁傳哀公終

